

爾雅說詩

爾雅說詩卷十七

新城王樹枏

釋丘第十

說文云坻土之高也非人所爲也從北從一一地
也人居在北南故從北中邦之居在崑崙東南一
曰四方高中央下爲坻象形古文從土作坻王風
丘中有麻毛傳云丘中坻坻之處正義云釋丘非
人力爲之丘丘是地之高者在丘之中故云坻坻
之處坻坻謂地之積薄者也

丘一成爲敦丘

敦丘者衛風氓至於頓丘毛傳云丘一成為頓丘正義引郭璞曰敦孟也音頓與此字異音同孫炎云形如覆敦敦器似孟高齊書丘之中站云樊隈再成為陶丘再成銳上為融丘三成為岷崦丘

詩曹譜云曹者禹貢兖州陶丘之北地名正義云漢書地理志云濟陰定陶縣故曹國周武王弟叔振鐸所封禹貢陶丘在西南陶丘亭是也言丘在曹之西南則曹在丘之東北止言北者舉其大望耳說詳訂經

如藥者藥丘如階者階丘水出其西水出其西
出其如階說文作渚云如渚者階丘水中高者也召南
水隈江有渚毛傳云渚小洲也水歧成渚也豳風九罭
鴻飛遵渚爲水中小洲階形似之階渚古通字
水潦所止泥丘方丘胡丘云京高丘也皆李巡云

說詳訂經

絕高爲之京非人爲之丘

京者說文云人力所爲絕高丘也大雅公劉迺覲
于京鄭箋云絕高爲之京正義云孫炎郭璞皆云
人力所作此詩說公劉依京築宮王肅云可以禦

亂則是大丘非人爲也李巡曰丘之高大者曰京
是京有二等若戰勝取尸築爲京觀者則人爲之
此言京者則是丘之高大非人爲也于京斯依箋
云公劉之居於此京依而築宮室皇矣依其在京
毛傳云京大埠也鄘風定之方中景山與京小雅
甫田如坻如京傳竝云京高丘也 丘者李巡云
謂非人力所爲自然生爲丘孫炎云地性自然也
水潦所還埒丘上正章丘澤中有丘都丘當涂梧丘涂
出其右而還之畫丘涂出其前戴丘涂出其後昌丘水
出其前消丘水出其後沮丘水出其右正丘水出其左

營丘

都丘者韓詩外傳云禽獸厭深山而下於都澤卽

此義也餘詳訂經

如覆敦者敦丘

孫炎云丘一成之形象也此蓋申釋之中央不曰

遷迤沙丘左高咸丘右高臨丘前高旄丘後高陵丘偏

高阿丘

旄丘者釋文云字林作旄又作旄邶風旄丘旄丘

之葛兮毛傳云前高後下曰旄丘彼釋文云旄丘

音毛丘字林作旄云旄丘也亡周反山部又有旄

字亦云嵒丘亡付反又音旄文選答賓戲注應劭
引爾雅亦作前高嵒丘二字古蓋通用李巡云謂
前高後卑下云阿丘者鄘風載馳陟彼阿丘傳云
偏高曰阿丘餘詳訂經

宛中宛丘

陳風宛丘宛丘之上兮毛傳云四方高中中央下曰
宛丘正義云釋丘宛中宛丘言其中中央宛宛然是
爲四方高中中央下也郭璞曰宛丘謂中央隆高狀
如一丘矣爲丘之宛中中央高峻與此傳正反案
爾雅上文備說丘形有左高右高前高後高若此

宛丘中央隆峻言中央高矣何以變言宛中明毛
傳是也故李巡孫炎皆云中央下取此傳爲說今
案下文云丘上有丘爲宛丘是中央高矣又釋山
云宛中隆亦謂中央隆峻孔疏強申毛義蓋作疏
之體宜然實則毛傳誤也故郭注不從孫李之說
丘背有丘爲負丘左澤定丘右陵泰丘如畎畎丘如陵
陵丘

畎丘者小雅巷伯猗于畎丘毛傳云畎丘丘名李
巡云謂丘如田畎曰畎丘也孫炎云方百步也餘
詳訂經

丘上有丘爲宛丘

宛者釋文云郭於粉反謂蘊聚隆高也此申上文之義

陳有宛丘晉有潛丘淮南有州黎丘天下有名丘五其三在河南其二在河北

陳譜云陳都於宛丘之側韓詩外傳云陳之富人觴於蘊丘之上蘊丘卽宛丘蘊宛聲轉字餘詳訂經

丘

題上事也

望厓洒而高岸

說文云岸水厓而高者衛風氓淇則有岸鄭箋云
言淇與隰皆有厓岸以自拱持小雅十月之交高
岍爲谷疏云高大之岍陷於深谷大雅皇矣誕先
登於岸毛傳云岸高位也洒者邶風新台有洒傳
云洒高峻也

夷上洒下不濬

說文云濬水厓也王風葛藟在河之濬毛傳云濬
水隤也魏風伐檀賓之河之濬兮傳云濬厓也說
文引詩無兮字李巡云夷上平上洒下隋下故名
濬孫炎云平上隋下故名曰濬不者蓋衍字案不

滑猶詩不顯不甯之類郭以爲發聲是也

隩隈

說文隩澳竝云隈厓也讀下厓字上屬又云隈水曲隩也釋文云隩本或作澳衛風瞻彼淇奧毛傳云奧隈也禮記大學作隩彼釋文云隩本亦作奧隩澳皆從奧蓋取深曲之義孫炎云隈水曲中也厓內爲隩外爲鞫

釋文云鞫字林作坳云隈厓外也與上隈字連毛傳云芮水厓也鞫究也正義云此鞫是水厓之名言其曲水窮盡之處也故傳解其名鞫之意鄭箋

云水之內曰隄水之外曰鞫周禮職方氏注引詩
作芮隄之卽漢書地理志顏師古注云隄與鞫同
韓詩作隄隄卽坵也李巡云厓內近水爲隄其外
爲鞫孫炎云內曲裏也外曲表也案公劉疏引釋
丘作厓內爲隄外爲鞫鄭康成李巡皆作鞫與陸
氏所據郭本合今唐石經單疏本宋本皆作外爲
隄說文云隄隄厓也其內曰澳其外曰隄當是又
一本作隄或後人誤改故所據不同也左傳疏引
爾雅亦作隄

畢堂牆

畢者秦風終南有紀有堂毛傳云堂畢道平如堂也鄭箋云畢也堂也亦高大之山所應有也畢終南之道名邊如堂之牆然正義引李巡曰堂牆名崖似堂牆曰畢郭璞曰今終南山道名畢其邊若堂之牆以終南之山見有此堂知是畢道之側其岍如牆也案李以畢爲崖與毛鄭之以畢爲道者異義郭同毛鄭

重厓岍岍上澣

此重申上文岍字之義大雅皇矣誕先登于岍毛傳云岍高位也重厓言其高 澣者說文作汧云

水厓也王風葛藟在河之泔傳云水厓曰泔本釋水文此互釋之也

墳大防

墳說文作圻云圻大防也今經典皆借用墳周南汝墳遵彼汝墳毛傳云墳大防也大雅常武敦彼淮濱傳云濱厓也鄭箋云屯其兵於淮水大防之上孫炎云防謂隄也案墳與濱同

涘爲厓

說文云涘水厓也秦風蒹葭在水之涘大雅大明在渭之涘毛傳竝云涘厓也王風葛藟在河之涘

毛傳云涘涯也涯亦當爲厓李巡云涘一名厓

窮饋汜谷者激

說文云汜窮饋也饋通溝也古文從谷饋爲通溝

窮則不通矣召南江有汜毛傳云水決復入爲汜

水決而無所通故復入汜從已已止也

謂有厓岸以止之也

谷者說文云泉出通川曰谷周南葛覃施于中

谷小雅白駒在彼空谷十月之交高岍爲谷卽釋

水所謂水注谿曰谷也水經濇水注引爾雅作谷

者微同音字也釋文云濇本又作湄小雅巧言居

河之麋彼釋文云麋本又作湄傳云水草交謂之

廩用釋水文

厓岍

題上事也水邊山邊之高峻名厓岸故附于釋丘
之後

釋山第十一

河南華河西嶽河東岱河北恒江南衡

或疑此與下文名稱互異不出一人之手非也此
表鎮山之名下文始言五嶽鎮山之中有四嶽在
其內故但舉其山不加嶽號蓋不以此爲五嶽也
孫炎云雍州鎮有吳嶽山也孫但謂此爲鎮不以

爲嶽得之矣李巡云華西嶽華山也岱東嶽泰山也恒北嶽恒山也衡南嶽衡山也此四嶽卽爲四鎮而不數吳嶽其不以此爲嶽山與孫叔然同

山三襲陟再成英一成坯

說詳訂經

山大而高崧

此釋大雅崧高維嶽之文也毛傳云崧高貌釋文云崧字又作嵩李巡云高大曰崧郭注謂中嶽嵩高山蓋依此名非卽以此爲嵩山也說詳訂經

山小而高岑銳而高嶠卑而大嶓小而眾巋